

## HONG LEONG PEMBIAYAAN MARGIN SAHAM (SMF) – PROMOSI FAEDAH 388

Dikemaskini pada 07 Jun 2019

### TEMPOH PROMOSI

Hong Leong Bank Berhad (97141-X) (“**HLB**”) melancarkan “Hong Leong Pembiayaan Margin Saham (SMF) – Promosi Faedah 388” (“**Promosi**”) pada **15 Mac 2019** dan berakhir pada **14 September 2019**, termasuk kedua-dua tarikh melainkan diberitahu sebaliknya (“**Tempoh Promosi**”).

### TERMA & SYARAT

Terma dan syarat Promosi adalah seperti berikut:-

### KELAYAKAN

1. Promosi terbuka untuk penyertaan oleh seluruh warga Malaysia dan warga bukan Malaysia yang menetap di Malaysia (“**Pelanggan**”) yang merupakan Pelanggan HLB yang baharu dan sedia ada dengan kriteria berikut:-
  - i. Berumur antara 21 dan 65 tahun; dan
  - ii. Permohonan baharu untuk Kemudahan Pembiayaan Margin Saham (“**Kemudahan**”) dengan saiz pinjaman minima sebanyak Ringgit Malaysia Satu Ratus Ribu [RM100,000] semasa Tempoh Promosi (“**Pelanggan SMF**”).
2. Yang berikut ini **TIDAK** layak menyertai Promosi ini:
  - i. Pelanggan yang telah melakukan atau disyaki melakukan penipuan atau kesalahan undang-undang berkaitan dengan mana-mana kemudahan yang diberi oleh HLB/Hong Leong Islamic Bank Berhad (“**HLISB**”) atau telah diisytiharkan muflis atau bakal dikenakan prosiding kemuflian pada bila-bila masa sebelum atau semasa Tempoh Promosi.
  - ii. Pelanggan yang telah melakukan, atau ditentukan oleh HLB/HLISB berpotensi melakukan kesalahan yang dinyatakan di dalam ini.
  - iii. Pelanggan yang membuat permohonan baharu untuk Kemudahan membeli saham di bawah Skim Opsyen Saham Pekerja (ESOS) dan Penawaran Awam Permulaan (IPO).
  - iv. Pelanggan yang mempunyai Kemudahan sedia ada sebelum Tempoh Promosi membuat permohonan baharu semasa Tempoh Promosi untuk meningkatkan had Kemudahan sedia ada.
  - v. Pelanggan HLB yang telah menamatkan Kemudahan Pembiayaan Margin Saham sedia ada dengan HLB dan ingin memohon untuk membuka Kemudahan baharu di bawah Promosi ini sebelum genap satu (1) tahun dari tarikh penamatan kemudahan terdahulu.
  - vi. Kakitangan tetap dan kontrak HLB/HLISB.

### MEKANIK PROMOSI

3. Pelanggan yang memenuhi kriteria dalam Klausa 4 Terma & Syarat ini (“**Pelanggan Layak**”) berhak menyertai Promosi di bawah ini:-
  - i. Kadar faedah Kemudahan sebanyak 3.88% setahun untuk enam (6) bulan pertama (“**Kadar Promosi**”); dan
  - ii. Selepas itu, dari bulan ketujuh (ke-7) dan selanjutnya, kadar faedah akan dikenakan pada Kadar Asas (BR) + 1.17% setahun (“**Kadar Tetap**”).
  - iii. Kadar faedah efektif adalah 4.47% setahun.
4. Untuk menyertai Promosi ini, Pelanggan Layak dikehendaki melaksanakan dan memenuhi syarat/kriteria yang ditetapkan seperti di bawah:-
  - i. Memohon Kemudahan semasa Tempoh Promosi di mana-mana cawangan HLB; dan
  - ii. Pelanggan Layak yang telah memohon Kemudahan dalam Tempoh Promosi mesti menerima Kemudahan tersebut selewat-lewatnya pada 14 Oktober 2019 supaya layak untuk Promosi ini. Tempoh penangguhan selama satu (1) bulan diberikan dari tarikh luput Tempoh Promosi khususnya

untuk tujuan membolehkan Pelanggan Layak menerima Kemudahan bagi permohonan yang telah dibuat semasa Tempoh Promosi;

- iii. HLB tidak akan bertanggungjawab sekiranya Pelanggan Layak tidak layak menyertai Promosi disebabkan Pelanggan Layak gagal melaksanakan dan memenuhi syarat / kriteria yang ditetapkan dalam Klausa 4 (i) dan 4 (ii), atas apa jua sebab. Pelanggan Layak berkewajipan untuk menjelaskan semua caj yang dikenakan bagi pembukaan Kemudahan (termasuk tetapi tidak terhad kepada pembayaran duti setem dan fi guaman untuk Perjanjian Kemudahan dan dokumen lain yang berkaitan) dengan segera.

#### **UMUM**

5. Promosi ini TIDAK sah digunakan bersama-sama promosi lain yang berkaitan dengan Pembiayaan Margin Saham yang sedang dilangsungkan atau ditawarkan oleh HLB dari semasa ke semasa.
6. Dengan menyertai Promosi, Pelanggan HLB bersetuju:
  - i. telah membaca, memahami dan bersetuju untuk mematuhi Terma & Syarat di dalam ini;
  - ii. untuk melayari laman web HLB di [www.hlb.com.my](http://www.hlb.com.my) ("**Laman Web HLB**") dari semasa ke semasa untuk menyemak Terma & Syarat dan memastikan sentiasa mengikuti sebarang perubahan atau pindaan kepada Terma & Syarat.
  - iii. semua rekod transaksi yang dirakamkan oleh sistem HLB dalam masa Tempoh Promosi dan senarai Pelanggan HLB adalah tepat dan muktamad;
  - iv. keputusan HLB atas segala hal berkaitan dengan Promosi adalah muktamad dan mengikat ke atas seluruh Pelanggan HLB dan sebarang surat-menyurat dan / atau rayuan untuk mempertikaikan keputusan HLB tidak akan dilayani;
  - v. setuju dengan permohonan Kemudahan adalah tertakluk kepada penilaian kredit dan kelulusan bagi pihak HLB.
7. HLB berhak:
  - i. menolak permohonan Kemudahan tanpa memberitahu alasan;
  - ii. melucutkan kelayakan mana-mana Pelanggan daripada menyertai Promosi atas apa jua sebab sekalipun yang dianggap sesuai oleh HLB atas budi bicara mutlakny;
  - iii. menambah, menggugurkan, menggantung atau meminda Terma & Syarat yang terkandung di dalam ini, sama ada keseluruhan atau sebahagian, dengan memberi notis awal atas budi bicara HLB dengan cara menyiarkannya dalam Laman Web HLB, atau dengan apa-apa cara yang dianggap sesuai oleh HLB.
8. Semua Terma dan Syarat, peraturan-peraturan sedia ada yang tertakluk pada Pembiayaan Margin Saham harus dipatuhi.
9. Pelanggan bertanggungjawab dan secara peribadi akan menanggung semua cukai, bayaran kerajaan atau caj- caj lain yang mungkin dikenakan terhadap mereka di bawah undang-undang, jika ada, berkaitan dengan penyertaan mereka dalam Promosi.
10. Sekiranya berlaku sebarang percanggahan di antara Terma dan Syarat di sini berbanding dengan pengiklanan, promosi, publisiti dan bahan lain yang berkaitan dengan Promosi, terma dan syarat terakhir di Laman Web HLB akan diutamakan.
11. Terma & Syarat di dalam ini adalah tertakluk kepada dan ditafsirkan menurut undang-undang Malaysia dan Pelanggan bersetuju untuk akur kepada bidang kuasa Mahkamah-mahkamah Malaysia.
12. Perkataan yang menandakan satu jantina termasuk semua jantina lain dan perkataan yang menandakan tunggal termasuk lebih daripada seorang dan begitu juga sebaliknya.